

Mwh Lauxsae Mbouj Youq Haenx

老师不在的时候



“Dingling——” lingz hwnj-dangz yiengj lo, gyoengq doengzhag cung haeuj gyausiz, vaiqvét dawz saw yijvwnz okdaeuj, caj Guj lauxsae daeuj hwnjdangz.

Seizgan gvaqbae haujlai nanz, lauxsae lij caengz daeuj. Miz doengzhag lumj duznou nei laeglemx daengz bakdou gyausiz bae demq, yienzhaeuh ndwn youq gwnz gyangj-daiz sing hung hemz naeuz: “Dangz

neix dwg dangz swyouz!” “Va!” “Ndei lai lo!” “Gaijfang lo!” Daengx aen gyausiz sawqmwh nauhyied lumj aen hawciengz nei. Gyoengq doengzhag mbangj gangj vah mbangj ciengq go, lij miz mbangj dawz sawgovai okdaeuj gig mizyinx dwk yawj hwnjdaeuj.

Banhcangj dauqdaej nyaenx mbouj youq lo, hujdengdeng byaij hwnj gyangjdaiz bae, gig yiemz dwk naeuz: “Andingh! Byawz mbouj souj gijliz gou couh geiq coh de roengzdaeuj!” Gyoengq doengzhag raen banhcangj huj lo, couh mbouj cauz geijlai, ndaw gyausiz sawqmwh caemdingh haujlai. Hoeng mbouj geij nanz, youh miz mbangj doengzhag gangjsebseb lo, doeklaeng sing gangj yied daeuj yied hung, ndaw gyausiz youh cauzhuhu lo. Banhcangj huj

yaek dai, baenq ndang youq gwnz hwzbanj sij aen coh doengzhag veizfanj gijliz haenx.

Sawqmwh, gyoengq doengzhag fatyienh Guj lauxsae mbouj rox seiz-lawz laeglemx ndwn youq bakdou gyausiz. Daihgya ganjgip naengh ndei, ndaw gyausiz caemdingh ndaej fagcim doek gwnz dieg cungj dingq ndaej nyi nei. Guj lauxsae byaij hwnj gwnz gyangjdaiz, de yawj daihgya mbat he, gig yiemz dwk naeuz: “Sou youh mbouj sw’ gyoiz luha! Dwg mbouj dwg youh siengj fad lo? Ngoenzneix lai gya boix cozyez he!” “Gaej ha!” Gyoengq doengzhag foenfoen gouz dwk.

Lauxsae youq gwnz hwzbanj buci baenz aen hwzbanj cozyez he. Ae, camj lai lo!

(seiq nienzgaep Cang Beiyungz)

Daxboh, Cingj Gwn Raemx

爸爸，请喝水

Daxboh gou dwg boux gingcaz he, guhhong gig sinhoj.

Miz ngoenz he banhaemh, daxboh okcai dauqma, couh fujdauj gou sij cozyez. Gou sij sat cozyez le, daxboh cij gwn caeuz.

Yawj daxboh gij yiengh gwnguk, gou miz di sim’ in, couh raix buenq boi raemx-ndat. Gou cimz gaemz he, miz di ndat, youh cung di raemxgoenj liengz roengzbae. Gou dawz raemx bae hawj daxboh, naeuz: “Boh, mwngz menh di gwn, gwn gaemz raemx he ba!” Daxboh cieq gvaq boi raemx, cuengq daengz henz bak, dingz mbat he. Gou riu naeuz: “Gou cimz gvaq lo, mbouj gyoet hix mbouj ndat.” Daxboh gwn le buenq boi, lumh aen’ gyauej gou naeuz: “Docih daeglwg, mwngz caen dwg boux lwgnyez ndei youh roxsoq youh saeqsim he!”

(ngeih nienzgaep Cang Yizsiz)

Lauxsae yijvwnz gou gig coz, ngamq camgya gunghcoz. De yienz-naeuz mbouj sang geijlai, hoeng yawj hwnjdaeuj gig yiemz. Mboujgvaq, caeueq de doxcaez youq duenh seizgan he le, gou cij rox, de gizaed gig unqswnh.

Fuengfap sonsaw de caeueq vunz mbouj doengz, yienznaeuz youq ndaw hagsib doiq dou gig yiemz, hoeng de ciengz gawjhengz mbangj hozdung, hawj dou youq ndaw guhcaemz hag daengz cihsiz. Lumjbaenz, miz baez ndeu dangz gaghag, daihgya boih saw boih naet lo, de couh gawjbanh “yenjangvei”, hawj gij doengzhag mbouj rox boih roxnaeuz daujluenh haenx hwnj daiz byaujyenj cezmuz. Neix hwk lau gij doengzhag mbouj ndeindei boih saw haenx lo. Daj baezhaenx hwnj, gyoengq doengzhag couh gyaiez boih saw lo, hix gyaiez hagsib lo.

Lauxsae buci cozyez hix haemq noix, daegbied dwg ngoenzsinghiz,

Lauxsae Gou

我的老师



lij mbouj beij ngeih nienzgaep lai. Daihgya daj ndawsim engq gyaiez boux lauxsae yijvwnz neix lo. Hoeng, ndaw ban miz geij boux doengzhag cungj mbouj gyaiez doengh uk, gingciengz cau cozyez bouxwnq. Miz baez ndeu, lauxsae cam boux doengzhag ndeu dwg mbouj dwg cau cozyez bouxwnq, boux doengzhag haenx baenzlawz cungj mbouj nyinh. Lauxsae yiemzleih naeuz, “Danghnaeuz mwngz mbouj dwg cau, gou couh mbouj gangj gijmaz lo. Danghnaeuz gaujsi mbouj rox, gou couh mbouj yienzliengh lo.” Gvaq yaep ndeu lauxsae youh naeuz: “Cau cozyez bouxwnq, couh lumj gwn gij

doxgaiq bouxwnq geux gvaq haenx, mboujdan mbouj miz feihdauh, lij dungxfan dem.” Dingq daengz neix, boux doengzhag haenx ndwn hwnjdaeuj caensim naeuz: “Gou caiq hix mbouj cau cozyez bouxwnq lo.”

Neix couhdwg lauxsae gou caeueq bouxwnq mbouj doengz haenx.

(roek nienzgaep Vangz Senh)

Cozvwnz suijbingz gou gig ca, sij cozvwnz cungj sawj gou lumj bungz-daengz duzugk nei lau raixcaix, moix baez sij cozvwnz, gou cungj naemj hwnj naemj roengz, ra caenh gij sawloih gou rox haenx cij auqmanz sij ndaej bien cozvwnz he gyau hwnjbae.

Dangz yijvwnz, lauxsae youh bingzgangj cozvwnz lo, gou doiq cozvwnz mbouj miz saek di saenqsim haenx, caeux gaenq mazmwnh lo, hix mbouj caiq gaenjcieng caeueq lau lo, cij dwg mwnhsaeng naengh youq gwnz daengq. Seizgan lumjbaenz caeueq gou doxdingj nei, gvaq ndaej daegbied menh.

“Lajneix doeg geij bien fanvwnz, doeg bien Cwz Gyahcin gonq ba.” Sing lauxsae mbouj hung, “Cwz Gyajcin” geij cih neix lumj sing byajraez nei caq dwk gou moengjdoengj lo. Daihgya cungj hozhaenz yawj gou, gou cix lij youq gwnz daengq naengh dwk ngawhngwdngwd: Cozvwnz baezgonq sij gijmaz ha, lij ndaej hawj lauxsae yienghneix byaujyangz?

Caen Siengj Mbouj Daengz

真想不到



Gou hoizsaenz gvaqdaeuj, ndaw-sim gag angqvauvau. Lauxsae naeuz: “Cingj doengzhag ndaej byaujyangz haenx ndwn hwnjdaeuj, daihgya

bekfwngz cukhoh gyoengqde, vanzlij hawj aen cuj gyoengqde youq haenx gya sam faen.” Ya! Gou dauqdaej ndaej vih ndaw cuj gya faen lo! Gou bingzseiz baknaek bakmwt, hwnj-dangz gig noix fazyenz, engq gaej gangj vih siujcuj ceng danaj lo.

Gou ndwn sohsisi, yawj banhcangj doengzyiengh ndaej byaujyangz haenx, lij miz gij doengzhag bingzseiz cungj sij cozvwnz ndaej ndei haenx, gou gag siengj, ndaej caeueq gyoengqde ndwn youq doxcaez, ciepsouh lauxsae caeueq doengzhag haenx, caen miznaj ha!

“Bien cozvwnz Cwz Gyahcin, sij ndaej gig ndei, cinbu gig hung.”

Lauxsae muenxeiq dwk yawj gou, aenda cungj dwg haenx caeueq gujli, gou geiq hwnjdaeuj lo! Gienh saeh ndaw cozvwnz sij haenx dwg gou miz gamjsouh sij okdaeuj, ndaej daengz lauxsae baenzneix haenx de, caen siengj mbouj daengz ha.

Gou cingq diemzsisis dingq lauxsae haenx gou, yi, boux doengzhag haenx yawj gou baenzlawz yienghneix gvaiz ha? Dwg da’nding, roxnaeuz mbouj saenq gou? De lumj dwg naeuz: “Mwngz baenzlawz gojnaengz sij ndaej baenzneix ndei? Haengjdingh dwg cau vunz!” Sawqmwh, simcingz gou gig ca, roxnyinh gig utheiq, gou gaenbonj couh mbouj dwg cau vunz!

Caen siengj mbouj daengz, cozvwnz sij ok caensaed gamjsouh gou, ndaej souhdaengz lauxsae byaujyangz! Gou gag roengz gietsim: Baezlaeng itdingh laebdaeb sijsaeq cazyawj, caenndang bae daejniemh, ceng’aeu sij ok engq ndei engq lai cozvwnz.

(roek nienzgaep Cwz Gyahcin)